

N̄ng-Chióng Sim-Chêng

Lê-soat

Saⁿ-gòeh té, chiūⁿ A-lí-san siúⁿ eng-hoe, sūn-sòa khi San-bí-chhoan ê Tâná-i-kū chhit-thô.

San-bí-chhoan sī gōan-chū-bîn Chơ-chòk(鄒族) ê pō-lòh, Tâná-i-kū gōan-chū-bîn-gí ê ì-sù chiū-sī Bông-iu-kok(忘憂谷), sī óa tī Chan-būn-khoe gōan-thâu ê só-chāi, i ā-sī Tâi-ôan kok-pó-hî "kờ-hî" ê kờ-hiong. Kòe-khì, San-bí-chhoan sī óa-khò cheng-chō lâi î-chhî seng-òah, hui-siông sà-chhiah.

Cháp-gō-tang chêng, chhoan-bîn lī-iông thian-jiân chu-gōan, chòe hô-chhoan pó-iòk ê kang-khòe. Uī-tiòh beh pó-hō chit-tiâu khoe-á, jít kap mê lóng ũ lāng teh sūn-lô. Keng-kòe tãi-ke ê phah-piàⁿ, chit-tiâu khoe-á koh óah--khì--lâi--lah, kui-tiâu khoe-á-chúi chheng-chheng-chheng, gōa-á-nih chē ê hī-á chū-iū-chū-chāi siū-lâi-siū-khì, hō lāng khòaⁿ-tiòh chin kám-tōng, koan-kong-kheh jú-lâi jú-chē, in ê seng-òah tit-tiòh chin tōa ê kái-siān.

Kòe bô jōa-kú tī Lâm-tâu ê Tan-tāi-khoe hoat-hiān saⁿ-cháp chiah chúi-lòk-á ê si-thé, khoe-á-chúi, khoe-á-piⁿ, kui-phiàn ê hoeh-jiah, lòk-jiông kap lòk-pian chá chiū hō lāng koah--lòh--lâi, thèh--khì--lah.

Tâi-ôan chúi-lòk-á sī Tâi-ôan siông tōa hêng ê chiáh chháu ê tōng-bút, sin-kōan ũ 178 kong-hun, keng-thâu kōan 120 kong-hun, thè-hêng kōan-tōa, m̄ng ê sek-chúi kim koh súi, kò-sèng un-sūn tī chúi-piⁿ bān-bān..a, chít-chhùi chít-chhùi teh chiáh chháu-á, n̄ng-liáp bák-chiu îⁿ-lìn-lìn, thâu khi-khi, liáh lāng kim-kim-khòaⁿ, chin siān-liông koh chin kớ-chui.



M̄-kú, lòk-á--ah lòk-á, lí kiám m̄-chai lí ê kak chiok pớ, chiok tát-chîⁿ? Lí kiám m̄-chai chin-chē ê Tâi-ôan cha-pó-lāng lóng hōai-gī ka-kī pāi-sīn tó-iông, ài óa-khò lí ê tōa ki pian lâi chòng-iông? Tâi-ôan ê chheng-san lèk-súi kã lí phiàn lâi chia, liáu-āu, siah lí ê kak, koah lí ê pian. Lòk-á--ah, lòk-á, lí nā beh tâu-thai, bák-chiu ài peh khah kim---leh, m̄-thang koh lâi chit-ê cheng-hú bô-lêng peh-sèⁿ iá-bân ê só-chāi--ah!